



明·吴昆著

脉语

中医古籍善本丛刊

上海書店出版

脉 语

明·吴昆著

上海书店出版

(上海福州路401号)

新华书店上海发行所发行

宝山东方红印刷厂印刷

开本 787×1092 毫米 1/32 印张 2 3/4

1986年10月第一版 1986年10月第一次印刷

印数 0001—6000

G 64·1 定价 0.55 元

出版说明

《脉语》，吴昆撰。吴昆，字山甫，别号鹤皋，明安徽歙县人。此书已很少流传，现根据明万历友益斋刻本影印。

这是一部脉学专著，分为上下两卷。上卷为《下学篇》。作者结合临证体验，列论十三篇。下卷为《上达篇》。作者广读长沙、河间、东垣、丹溪之书，间取《内经》《难经》《脉经》《甲乙经》等有关论脉内容，阐明新义，列为五十三篇。书中将明以前有关脉学的生理、病理、病机、诊脉方法及候脉论治等内容，逐一论述，内容简明，切合临证。又另列妇人脉法、小儿脉法等，并于诸脉状主病中论及三十种脉象，比李时珍《濒湖脉学》中论及的脉象多三种。世论怪脉，大都八种，本书对其详细分述，列出二十四种。书末专列脉案格式一节，分为八个方面立案，裨以实用。全书内容对后人钻研脉学理论，以及临床实践均有较高的参考价值。

本书为《中医古籍善本丛刊》之一，由上海中医学院图书馆提供底本，上海中医学院中医文献研究所古籍研究室选编。

脉語序

參黃子 吳崐譔

脉者指下之經綸也。斯而或昧。輕則係病之安危。重則關人之生死。誠不可不語者。自六朝高陽生。僞叔和而著脉訣。脉之不明也久矣。余幼慕是術。竊有憫焉。敬業之餘。每以素難靈樞脉經甲乙及長沙河間東垣丹溪之書。閒閱之。越十年。以舉子業不售。里中長老謂余曰。古人不得志於時。多爲醫以濟世。子盍事醫乎。奚拘一經爲也。余於是投舉子筆。專岐黃業。乃就邑中午亭。余老師而養正焉。居三年。與師論疾。

咸當師心。師勉余友天下士。嗣是由三吳循江浙。歷荆襄。抵燕趙。就有道者師事之焉。或示余以天人貫通之道。或示余以醫儒合一之理。或示余以聖賢之與旨。或秘余以家世之心傳。其間講求脉理。出入岐黃者。未常乏人。然童而習之。白首不達者。又不可以枚舉而數計矣。嗚呼。一指之下。千萬人命脉所關。醫家於此而惜焉。是以人爲試耳。世之疲癯殘疾。將安賴之。於是以孤陋之聞。集成語錄二篇。以告同志。雖未敢以爲可傳。然楊園之道。倚於畝丘。是亦行遠升高之一助云爾。

脉語目錄

上卷

下學篇

取脉入式

寸關尺義

六部所主

五藏浮沉

取脉有權

五藏經脉

五藏病脉

五藏死脉

諸脉状主病

怪脉類

婦人脉法

小兒脉法

諸病宜忌脉

下卷

上達篇

脉位法天論

大小腸脉在兩寸間

三焦脉在右尺辯

寸口者脉之大會

脉有神機

三部九候

七診

六殘

反關脉

上魚脉

上下來去至止

陰陽大法

陰陽相乘相伏

重陰重陽

脫陰脫陽

陰陽絕

分析藏府陰陽盛衰

脉無根

上部有脉下部無脉下部有脉上部無脉

經絡虛實

有力無力

傷寒脉大法

脉不再見

胃氣爲本

丹溪候胃氣法

推法

脉有亢制

脉有乘侮

男女脉異

老少脉異

脉合形性

色脉

脉知得病之期

真藏脉見訣死期

人迎寸口

靈樞脉法

運氣脉

方宜脉

十二經不復朝於寸口

奇經督脉衝脉任脉見於寸口

手檢圖脉法

一藏無氣四歲死辯

從証不從脉

從脉不從証

形肉已脫九候雖調猶死

七診雖見九候皆從者不死

跌陽太谿太衝

太素脉論

太素脉可採之句

脉案格式

脉語卷之上

徽歛澄塘鶴臯山人吳崐述

下學篇

取脉入式

醫家取脉常以平旦之際。取手太陰肺經掌後高骨名曰關。關之前名曰寸。關之後名曰尺。浮以取表。沉以取裏。中以取胃氣。寸部法天候。胸以上至頭之有疾也。關部法人候。膈以下至臍之有疾也。尺部法地候。臍以下至足之有疾也。左脉候左。右脉候右。兩手皆然。病者危迫。則勿以平旦爲拘。雖一日三診之。

寸關尺義

從魚際至高骨。却行一寸。因名曰寸。去尺澤一尺。因名曰尺。界乎尺寸之中。因名曰關。

六部所主

左寸主心與小腸。左關主肝膽。左尺主腎與膀胱。右寸主肺與大腸。右關主脾胃。右尺主腎與命門。諸家脉訣。皆以三焦合于右尺。於理為悖。辯在下集。

五藏浮沉

與皮毛相得者。肺脉也。與血脉相得者。心脉也。與肌肉相得者。脾脉也。與筋相得者。肝脉也。與骨相得者。

腎脉也。

取脉有權

輕以取府。重以取藏。諸陽脉爲府。諸陰脉爲藏。陰中有陽。陽中有陰。浮亦有藏。沉亦有府。取脉有權。不可執也。

五藏經脉

經脉者。常脉也。平人無病之脉也。心脉浮大而散。肺脉浮濇而短。肝脉弦長而和。脾脉緩大而敦。腎脉沉軟而滑。醫者一呼一吸。病者脉來四至五至。是皆平人無病之脉也。

五藏病脈

凡肝弦心洪脾緩肺毛腎石。俱要中和。太過固病。不足亦病。太過者脈來強實是也。病在外。不及者脈來虛微是也。病在中。

五藏死脈

脈來前曲後踞如操帶鉤曰心死。脈來堅勁如新張弓弦。又如循刃曰肝死。脈來堅銳如鳥之啄。如鳥之距。如屋之漏。如水之流。介然不鼓曰脾死。脈來如物之浮。如風吹毛曰肺死。脈來發如解索。辟辟如彈石曰腎死。凡此皆真藏之脈。無胃氣以和之。故謂之死。

諸脉狀主病

脉經論脉大都二十四種。今不拘其數。凡所常論者悉備于後。

浮。自皮膚之上得之曰浮。陽也。金也。爲病在表。浮而緩曰風。浮而緊曰寒。浮而虛曰暑。浮而瀦曰霧露。浮而滑曰風痰。浮而有力曰表實。浮而無力曰表虛。浮而數曰表熱。有瘡痒。浮而遲曰表寒。喜近衣。浮而促曰表有癰疽。瘦人得浮脉。三部相得曰肌薄。肥人得之。未有不病者也。

沉。自肌肉之下得之曰沉。陰也。水也。爲病在裏。爲積。